



Pipaluk Lyngé-Rasmussen
Inuit Ataqatigiit sinnerlugit Inatsisartuni ilaasortaq

§ 37 nr. 172/2021 apeqquteqaammut akissuteqaat

17-12-2021
Sags nr. 2021 - 21299
Akt nr. 18662583

Asasara Pipaluk Lyngé-Rasmussen

Postboks 1160
Tlf: 34 50 00
Fax: 34 55 05
3900 Nuuk

Inatsisartut suleriaasianni § 37 imm. 1 naapertorlugu Naalakkersuisunut apeqquteqarsimavutit. Naalakkersuisut apeqqutit qujassutigaa, taakku ataani uteqqinneqassapput akissuteqarfigineqarlutillu.

Email: pn@nanoq.gl
www.naalakkersuisut.gl

1. Qinigaaffiup iluani ernisussiortunut tunngasunik Naalakkersuisut sunik anguniagaqarpat?

Akissut:

Nuna tamakkerlugu erniartortartunut sullissisarneq pillugu misissuititsinerit Naalakkersuisuniit aallartinneqarnikuupput. Qitiusumut erniartortitsisarnerup ilaqutariinnut immikkullu ilisimasalinnit erninermut atatillugu kingunerluutaasinnaasut pillugit sullisseriaaseqarnerup ersarissarneqarnissaa misissuititsinerimi siunertaavoq. Ima paasillugu, erniartortoqarneranut atatillugu sullissineq pillugu misissuititsinerimi ernisussiortut ilaatinneqalerput. Siunissami erniartortitsisarneq eqqarsaatigalugu pilersaarusiornissamut aaqqissuussinissanullu immikkoortortaqtitsinerimut ineriartortitsinerimullu periarfissallu eqqarsaatigalugit misissuititsineq iluaqutaassaaq. Ernissusiortut aamma tassani ilaatinneqassapput.

Anguniakkatut siunniussat iliuusissatullu pilersaarutit eqqarsaatigalugit misissuisitsineq naammassippat 2023 aallartinnerani Naalakkersuisut saqqummiussinissartik pilersaarutigaat

2. Naalakkersuisut innuttaasut ernisussiuunik pisariaqartitsinerat pillugu, ernisussiuut ilinniarfissaannik inerisaanissamik pilersaaruteqarpat?

Akissut:

Peqqinnissamut Naalakkersuisoqarfimmiit Ilinniartitaanermut Kultureqarnermut Timersornermut Ilageeqarnermullu Naalakkersuisoqarfik akissumut ilassuteqaqqullugu saaffigineqarpoq, ataanilu takusinnaavat imaattoq:

“Ernisussiortunngorniartunut ilinniartitaaneq eqqunneqassanersoq Naalakkersuisuniit isummerfigineqarnikuunngilaq. Taamaattorli ernisussiortunngorniartunut ilinniartitaasinnaanerp ineriartortinneqarnissaa periarfissaqarpoq. Tassami peqqinnissamut tunngasutigut immikkut ilisimasalittut, peqqissaasutullu ilinniagaqarsimanissaq

periarfissaareerpoq. Taamaattorli ernisussiortunngorniarneq naqqaniit inerisarneqassaaq, illut ilinniartitsiviusussat, ilinniartitsisussat, atortorissaaruserisussat atorfinitsitseqqaarnissaat aamma atortussaasinnaasut allat ilanngunneqqaassammata.”

Tassunga tunngatillugu ilanngunneqarsinnaavoq naalakkersuisoqarfiit allat attuumassuteqartut, soorlu assersuutigalugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik aamma Meeqqanut, Inuusuttunut, Ilaqutariinnullu Naalakkersuisoqarfik ilaatigut nuna tamakkerlugu erniartortarnut sullissisarnerup misissorneqarneranit inernerit aamma innersuussutit pillugit oqaloqatiginissaannut pilersaartoqarmat.

3. Naalakkersuisut innuttaasut illoqarfimminni/nunaqarfimminni ernerusuttarnerat pillugu periarfissaq suna eqqarsaatersuutigaat?

Akissut:

Naalakkersuisuniit ernisussap erniartornermini ernereernermilu kingorna ilaqtaminik ilaqarsinnaaneranut periarfissarsiuussinissaq kissaatigineqarpoq. Tamatuma saniatigut pingaartinneqarpoq anaannangortussap erniarineqartussallu ajoquserneqanginnissaat.

Suleqatigiinnissamut isumaqatigiisummi qitiusoqarfimmut erniartortitsisarnermut taarsiullugu illuatungeriinnit sulissutigineqartoq najukkami ernisinnaanissap aqutissiunneqarsinnaanissaa Naalakkersuisuniit ersarissarneqarpoq. Tamanna tunngavigalugu Naalakkersuisut erninermut atatillugu misissuititsinissamik aallartitsinikuupput. Naatsorsuutigineqarpoq misissuisitsinerup aallartereernerata kinguneriumaaraa ilaqtariit pitsaaneruumik atugassaqartitaanissaannut periarfissaqarlualerumaartoq.

4. Naalakkersuisut ernisussiuut pilersaaruteqarfigaat sinerissami ernisussiuut amerlanerulerniassammata?

Akissut:

Naalakkersuisut: apeqquut 1-imut akissut takuuk.

5. Naalakkersuisut innuttaasunik pikkorissaanissaminnik eqqarsaatersuuteqarpat, taamaasillutik naartusut najugaqarfimminni ernisinnaaniassammata?

Akissut:

Naalakkersuisut: apeqquut 1-imut akissut takuuk.

6. Naalakkersuisut qanoq pilersaaruteqarpat naartulernermit erninissap tungaanut ineriartornerup nalaani pisariaqartitat pillugit?

Akissut:

Naartunerup nalaani ilisimalikkat uppersaatillu nutaajunerusut sulisullu ilisimasaat naapertorlugit najoqqutassat piffissap ingerlanerani iluarsartuunneqartarput Peqqinnissaqarfimmi pissutsinut naleqqussarlugit. Ukiut 20-it kingullit maani Nunatsinni naalungiarsuit toqusartut ikilikuupput. Piffissallu ingerlanerani naartusunik isumaginninnerup allulluarneqarnerulernerata kingunerisaanik aqqissuussaaneq pitsanngorsaavigineqarsimavoq. Piffissami tassani najoqqutassat atuuttuusut atuutinneqalerput. Najoqqutassani takuneqarsinnaavoq meeqqap inunngorfissaani peqqinnissaqarfimmi ilisimasalinnik misilittagalinnik, tassanngaannarlu erninerliortoqarnerani aamma erninermi aanaarujussuortoqartillugu, pilattaanikkut ernisitsinermi inoorlaallunniit inunngornermini perululernerani suligasuarsinnaasunik sulisoqartariaqartoq. Taamaammat ullumikkut piunasaqaataavoq inunngorfissami erninissamut atatillugu piareersimasoqartarnissaa minnerpaamik nakorsaqaq ernisumik peruluttoqarsimappat pilattaalluni ernisitsisinnaasoq, peqqissaasoq sinitsitsisinnaasoq, aaviisarfimmiittartussatut ilinniagalik kiisalu ernisussiortoq.

7. Naalackersuisut ernisussiuutut ilinniarfissamik pilersitsinissamut suna ajornartutut isigaat?

Akissut:


Peqqinnissamut Naalackersuisoqarfimmiit Ilinniartitaanermut Kultureqarnermut Timersornermut Ilageeqarnermullu Naalackersuisoqarfik akissumut ilassuteqaqqullugu saaffigineqarpoq, ataanilu takusinnaavat imaattoq:

“Siunissaq ungasinnerusoq eqqarsaatigalugu sulinermi ilisimasassanik naammaginartumik qaffasissuseqartumik ineriartortinneqarsimasumillu ernisussiortunngorniartunut ilinniarfimmik pilersitsinissaq ukiuni qulini sivilutigisinnaavoq. Tassuuna ilinniartitaaneq, ilinniartitaanissap annikillisinnaanera eqqarsaatigalugu, unamminartoqarsinnaavoq. Tassami pisinnaasaqarnissat qaffasissuunissaannut piunasaqaatit sanillitussagaanni ernisussiortut ullumi sulisorisatta sulinerminni pisinnaasaasa qaffasissusaannut inornartorjuussapput.”

8. Naalackersuisut kisitsisaatigaat inuit qassit angerlarsimaffitsik qimallugu erniartortarnersut?

Akissut:

2019-imi inunngorsimasut pillugit Nunatta Nakorsaaneqarfianiit illoqarfinni assigiinngitsuni inunngorsimasut pillugit paasissutissanik imaqartut allakkiaat Naalackersuisuniit innersuussutigineqarput. Allakkiani¹-imi takuneqarsinnaapput 71 %-ii (tassa 605-it 849-nit amerlatigisunit) inunngorsimapput Dronning Ingrid-ip Napparsimavissuani. Ima paasillugu, taakkunannga meerartaartunit 257-it Nuummi najugaqartuupput arnat erniartortut 348-ut sinerissameersuupput. Erniartortartunit Ilulissanut erniartortartut katillugit 8%-iupput. Erniartortut 56 %-ii sinerissameersuusarput 44 %-iilu Ilulissaneersuusarlutik. Takussutissiami 1¹-mi takuneqarsinnaavoq arnat illoqarfimmi ernisartut imaluunniit aallarlutik erniartortartut qanoq amerlatiginersut.



Takusutissaq i emmit emmitiit agguataameqarnerat, naortusuj najukkarsia illoqarfimit/nunaqarfimmi emmitonera (tunngujortaq) imal, sillemut erniarorsimanera (aappalunquteraq) nalunaarfutit.

2020-mut naatsorsuutit inernerit sulit ersarissarneqaratillu tamanut saqqummiunneqanngillat.

a. Qanoq nunatsinnut akeqarpa?

Akissut:

Apeqqutip 8 a-miittup akineqarsinnaanngikkallartutut nalilerneqarpoq. Tassami paasisutissat akissuteqarnissamut pisariaqartut aqqutissiuunneqarnissaannut piffissarujussuaq nukippassuillu atorneqartariaqassammata. Matumani pineqarput unitsitsisarnerit qanoq amerlatiginersut nakorsanut angalanissamullu aningaasartuutit tamatigit nikerartuusartut apeqqutaallutik.

9. Qanoq akeqassava ilinniarfimmik pilersitsinissaq?

Akissut:

Peqqinnissamut Naalackersuisoqarfimmiit Ilinniartitaanermut Kultureqarnermut Timersornermut Ilageeqarnermullu Naalackersuisoqarfik akissumut ilassuteqaqqullugu saaffigineqarpoq, ataanilu takusinnaavat imaattoq:

“Ernisussiortunngornianut ilinniarfissap ineriartortinneqarnissaanut qanoq aningaasartuuteqarsinnaanera misissorneqanngilaq. Taamaattorli Peqqissaanermik Ilisimatuserfimmi peqqissaasunngornermut sanilliunneqarsinnaavoq. Aningaasaqarnermut Inatsimmi Ilinniarfik ukiumut 6.357.000 kr-inik aningaasartuuteqarpoq. Taakkua saniatigit ilanngullugit eqqarsaatigineqassapput ilinniarfiup illutassaanut, ilinniarfittinermi atortorissaarutissat ernisussiortut sulinerminni pisariaqartissinnaasaat naapertorlugit aallarnisaaniarnermi aningaasartuutaasinnaasut.”

Inussiarnersumik inuulluaqqusillunga
Med venlig hilsen

Kirsten Fencker
Kirsten Fencker